

Claudii Fleurii Abbatis Historia Ecclesiastica

Ab anno Christi 1400. usque ad annum 1415 - Unacum Dissertatione
Præliminari Ad Historiam Sæculi XV.

Fleury, Claude

August. Vind. [u.a.], 1767

VD18 90118286

§. 10. Cardinalis quidam a Joanne XXIII. legatus in Hispaniam missus.

[urn:nbn:de:hbz:466:1-66281](https://nbn-resolving.de/urn:nbn:de:hbz:466:1-66281)

riæ Regis electionem sua promoveret auctoritate. Quapropter missis ad S. R. I. A.C. 1410. Electores oratoribus, datusque literis eos vehementer adhortatur, atque impense rogat, ut Sigismundum de Lucemburgo Caroli IV Filium, & Wenceslai fratrem in Romanorum Regem eligerent.

§. IX.

Sigismundus in Imperatorem electus.

Conveniunt Electores Francofordiæ ad imperii comitia; verum in duas partes scindebantur suffragantium studia. Nonnulli, ut Trevirensis & Palatinus Electores, necnon & Norimbergensis Burggravius Sigismundo favebant; alii contra sua conferebant suffragia in Jodocum Moraviæ ac Brandenburgi Marchionem Caroli IV Nepotem & Procopii fratrem, qui & postmodum Imperator salutatus est. Illo autem sexto post electionem Mense ante coronationem fatis functo, omnia ceterorum suffragia in Sigismundum convenere, qui etiam communi consensu Imperator confirmatus est.

§. X.

Cardinalis quidam a Joanne XXIII Legatus in Hispaniam missus.

Joannes XXIII vix Pontificale solium adeptus, confessim Joannem Landulphum missus. *Aubery hist. Cardin. tom. I. p. 630.*

Sæcul. XV. phum de Maramauris Cardinalem in Hi-
A.C. 1410. spaniam Legatum mittit, dupli instru-

ctum mandato; injunxit enim primo, daret operam, ut Benedicti fautores ad obsequium Joannis induceret, illiusque mentem de cessione Papatus sui exploraret. Alterum erat, ut Granatæ Regem & Mauros Christo lucrari studeret. Verum legatio hæc circa utrumque optato caruit eventu. Benedicti enim pertinacia expugnari haud poterat, cum Hispania constanter in ejus obedientia persisteret. Mauri autem Mahometanæ suæ superstitioni pertinaciter adhæsere. Quinimo duo Religiosi Franciscani Joannes de Catina, & Petrus de Duennas ad prædicandam veram fidem a Cardinale illic missi vitam cum sanguine pro Christo profuderunt, cum enim insuperbito Magistratus interdicto Apostolicæ expeditionis munia obirent, Mahometes Granatæ Rex, quos nec minarum terrore nec tormentorum vi ab invicto fidei zelo absterrere poterat, securi percuti jussit, Christianis postea eorum corpora clam Catalonia transfrentibus.

§. XI.